

31. Nga tek ca raxasaat wetuk ndijoor ga nga jànga "faatihā" boleek raxas ga
32. Nga tàm balee raxas ca pàqu bopp ba mu àndandook "faatihā" jēm ca yeel ba
33. Boo àggalee tek ca wetuk càm moñ ga mu àndak "faatihā" ni gu ndijoor ga
34. Nga tek ca sab dēnnē dale ka ca jé ba mu àndak "faatihā" ba ca jumbux ba
35. Nga tek ginnaaw ga tàm balee ca doŋ ga ak "faatihā" raxas mu yam sa ndigga
36. Ndéém raxasoowoon taŋka ya ca njapp ma nga daldi leen raxas, set nga ca tojma
37. Nga jël sa ñaari loxo taŋxa cam ndox sotti ci sa kaw bopp ba boole kaak wax
38. Ne "Bismi Laahi Rahmaani Rahiimi, al hamdu lilaahi Rabbil aalamiina" daldi
39. cay tek "laa ilaaha illaa Laahu Muhammadu Rasuulu Laahi salla Laahu"
40. "alayhi wasalam" foofa la cangaay la mate, farlul ba di def lile cangaay
41. Deklul ba xam lu cay sunnaak luy farata ndéém yaa ngi jēm ci def cangaayal farata
42. Am na ci way xam yi ku wax ne ku xamul luy sunna yaak farata kooka sanguwul
43. Ndax am tojam setul cangaayam neen la te mbooleem julli yunu ca julli neen la
44. Am na ci ñoom ku wax ne yit ndéém sangu nga, na ñuy sangoo te juumuloo ci set nga
45. Ndéém xam nga ne cangaay li santeb Yàllaa bu war ci bépp jaam bu gēm Buur Yàlla
46. Waxal ne faratay cangaay juróóm la yééné ja booy dugg ca biir cangaay la
47. Méngélé cër ya, lim ka mooy ñaareel ba ragga ga mbooleem cër ya mooy ñatteel ba
48. Matale cër ya ñew na di ñeenteel ba xàllil kawarga moo matal juróóm ba
49. Sunnay cangaay la mooy nga jéké loxo ya raxas ka ba ca taku kaayi jara ya
50. Balaa nga leen dugël ca ndab la ñaati yoon raxas sa biir bēnbēnu nopp ñatti yoon
51. Galaxndikook soraxndiku yii sunnala leneen lu des xamal ni lu ñu sopp la
52. Bu dee ku léttu soxlawul muy firiku ci booy raxas bopp ba waaye war na ko
53. Mu jël ca ndox ma def bu baax ca létt ya bēs ka ba derba tooy ci suufi létt ya
54. "Alhamdu li Laahi" ba la nu jubluwoon matee ci nas la Seydi Isaa yaxaloon
55. Maa ngi gērēm bu baax di sànta Yàlla cim ndimmëlēm ba woy wi mat bu sella
56. Nan sànta Baay Laay mi nu tee rootaa-ni taalam ba leeral na sowook "buldaani"
57. Nuy ñaan ci Yàllam ndimmëlēm ba nu matal lile cangaay ci fépp fu ñu ka waral
58. Ak fuñu ka sunnal "wa salla Laahu alaa Nabiiyinaa wa man waa lahu"

BISMI LAAHI RAHMAANI RAHIIMI

9-10-1963

Marsiya Baay Aliu Silla

1. "Hamdan li Laahi" nu sànta Yàlla ci ay jēfēm
"Inaa li Laahi" la dikle "fiil xur aan"
2. Nu ñaan "salaatu maha salaami" ci Mustafaa
Yàllaa ne roy leen ngën ji giir Adnaan
3. Seetal Yonnenta bi gën mbindééf yi ba tey gisul
Baayam ci àdina loolu doy na kéémaan

4. Te ndeyam amul ak moom ludul ay at yu néew
yu matul juróóm ñaar daldi dellu jinaan
5. Dunyaa bu nekkoon kër gu am mahnaa ci Laa-
-hi kudul jullit du ci xéewlu guux bu mu naan
6. Ba xanaa ñu muñ tey jéema daan ci sunu musii-
-ba, ci Seyxu Aliu yalna am “Ridwaan”
7. Sunu muñ du tee kay faw nu jooy ka ci ay rongoon
yuy sottikoo ciy xalima “yaa ixwaan”
8. Mbokk gaa gi jooy kufi deeti roy baayub Asan
Bu ñu jaaxle waan ba ñu gis ko daldi kontaan
9. Dëkkndóó yi jooy nañu waa ju leen daan topptoo
Buur Yàlla jox kay daane kaay te du daane
10. Ñoom ñépp jooyu ñu yoonu Baay Laay mooy ki jooy
moo doon ka Isaa wóolu, Ruuhu Rahmaan
11. Mu di beyti maalaam, def ko bànkeem moo taxoon
mosu ño xalaat dem post ngir dëjkaane
12. Seetal liggéey ba donay Limaamu sosoos ca Yoof
mooy jàkki Yàlla ja yéem ku koy seetaan
13. Seyxu Aliyooy kika Seydi Isaa wàkkiloon
mbooleem alal ju ca dem te daawu ca waane
14. Nakka noonu yit Seydina Manjoon maka wuutu moo-
-mit moom la mos jox kóóluteem “bi bayaan”
15. Moo doon ku sammu, ku wér, ku ñépp saxal ngoram
Na ka Yàlla teerok yërmëndéem ca jinaan
16. Tàggat na mbooleem waa kërëm ci tarixa
Mahdiyu-Laahi bu leen sikk mooy ka am liimaan
17. “Yaa Rabbi salli alaa Nabiyl Mustafaa”
Te nga mey nu mey Aliyu mu am “ridwaan”
18. Nu ngi ñāan nga gaaw ko won Limaamook Seydinaa-
-Isaa ci biir “ilayiina” muy kontaan
19. Muy béel ca biir firdawsi àndak gaa ña gëm
Isaak Limaamu ku leen dëggël du ñeetaan
20. Ñuy naan ci kaas yuy “sanjabii” njar maadi kaa-
-fóor, ñook jigéeni “huuru wal wildaan”
21. “huurul hayni yaa ngay woy te naa lii moodi seen
pey, xéewlu leen waa ahlu Laahi ca Jinaan
22. Waa kër Limaamul Mahdiyooy waa ilayii-
-na ku gëm Limaamu ba dem du gis niiraan

23. Yalna Buur saxal nu ci gëm gu àndak xol bu laab
suturaal nu mey nu, nu raw pexey seytaan
24. Yaa Rabbi yal na nga mey nu muj gu rafet ci
barkeb Mahdiyook Isaa ci orma xur-aan
25. Yaay nanguwaakoonu ñaan, nangul nu li nuy dagan
salla Ilaahu alaa Rasuulil akwaan.